

嶺表湘音續集



嶺表湘音續集

诗序

倚闌傍水，蕭然有迥迥之氣，誰親阮
水輕彈，金鑑曲筆，花細酌玉樓，盡放懷未
覺青山，夏世渾忘白髮，新嶺表，冰音慙
但隨了，誰知已感醇真，珠投翠澤，光難掩
石，借之山道，可道試，續夢，編思，浩蕩，蒼茫
雪海樓吟津

戊寅孟秋謝叔頤並書



自《嶺表湘音》印行以來，收到各方詩友寄來書札約一百五十餘件。或嘉言勗勉，或詩詞唱酬。受益匪淺，感激銘心。可以告慰于詩友者，旅穗湘中諸叟，至今尚皆粗健，時有聚會，煮茶論詩。故復有《嶺表湘音續集》之印行。尚祈海內外之同道者，續賜教言。得益友于天下，留泥爪于人間，我輩之願也。

《嶺表湘音續集》同仁謹啓

戊寅之春于五羊城

作者通訊錄

姓名	地址	電話	郵編
謝叔頤	廣州市環市中麓景西路一號	八六五四九〇三七	五一〇〇九一
傅作舟	廣州市河南工業大道北五十五號	八四三六五七一三	五一〇二五〇
曾理	廣州市米市路六十二號三〇六	八三三三八二〇五	五一〇一八〇
曹盛蘇	廣州市三元里梓元崗二十五棟一〇一號	八七一五一〇七六	五一〇四〇〇
姜今	廣州市昌崗路美術學院	八四四四三〇〇八	五一〇二六〇
熊鑒	廣州市基立下道北七十九號一門五〇二房	八四二四七七七五	五一〇二二〇
唐惕陽	廣州市農林下路二十二號四〇一	八七七六五六三三	五一〇〇八〇
李貽定	廣州市天河東路二六八號五〇八室	八七五〇五五六一	五一〇六二〇
陳叔炎	廣州市寺右新馬路二橫路十五號大院十三棟一一〇三房	八七一七二八二六	五一〇六〇〇

作者通訊錄

姓名	地址	電話	郵編
朱帆	廣州市新港中路廣東教育學院十棟五〇二房	八四二一二八六五	五一〇三〇三
田家谷	廣州市水蔭直街西一巷四號六〇一	八七七五六八九五	五一〇〇七五
黃念三	廣州市泰康路九十二號四〇一	八三三五四一四五	五一〇一一五
蔣驚午	廣州市德政南湛塘路五十二號六〇一	八三八三四七八一	五一〇一一〇

目錄

謝叔頤	二十八首		一
傅作舟	二十八首		一三
曾理	二十八首		二六
曹盛蘇	二十八首		三七
姜今	二十八首		四八
熊鑒	二十八首		五八
唐惕陽	二十八首		七〇
李貽定	十九首		八三
陳叔炎	十首		九一
朱帆	二十八首		九六
田家谷	二十二首		一〇
黃念三	二十首		一二
蔣驚午	二十七首		一三

謝叔頤 二十八首

作者簡介

謝叔頤，女，湖南省寧鄉縣人。一九一三年十一月生。湖南藍田國立師範學院國文系畢業。歷任國師附中、馬口高中、咸寧高中、咸寧師專語文老師。為湖北詩詞學會、廣東中華詩詞學會會員。著有《山雷吟草》。

寄老友文元珏問疾

半生蕭瑟扼荆萊，冰雪襟懷瑰瑋才。久病維摩瘥可未，觀濤
粵海倘能來。

金縷曲·祝老友劉方元、鄧志瑗二君同登八秩壽域

舊夢微烟裊。憶年時、光明秀嶺、放歌狂嘯。學海優遊多俊
侶，歲月崢嶸兀傲。更贛右、同門佼佼，洽記博文高格調。奈韶
華、一瞬傷流潦。魚雁斷，關山渺。風風雨雨人長好。際昇

平、君留上序，我棲瀛嶠。青鳥頻傳雲外訊，欣悉名歸實到。豐著
述、鈞玄挈要。翹首星南極老。奉桃觴、苦恨無蘭藻。逾百壽，辦
香禱。

次《金婚贈咏梅》韵賀從龍咏梅賢伉儷

情到深醇近似癡，百年同夢撫桐絲。蘆芽充腹艱難日，屋壁藏詩動亂時。翰苑風華推獨步，斯文肝膽貴相知。河清喜見花長好，連理冲寒第一枝。

詩人陶光《無邪集作品選》讀後（三首錄一）

前夢狂飈卷地來，排空腥浪鬼門開。秦皇未見見應愧，百萬儒冠偃草萊。

次韵老友王昌猷見贈（二首錄一）

楚天薈蔚燦朝霞，彷彿公門桃李花。想見高吟楓徑暖，春陽一片故人家。

讀《寧鄉詩詞》感賦（二首錄一）

清清瀉水引情長，亂石灘山綠櫟鄉。
節孝祠堂無恙否，夢魂常繞舊宮牆。

臨江仙·次韵酬成老應璩見贈

奇禍奇緣憐絕代，是非恩怨難明。
狂飈怒海亂航旌。幾多憂患泪，啼盡子規聲。
遲暮相知俱老病，茫茫天道何憑。晚晴

猶幸以詩鳴。清音飛象外，才氣自崢嶸。

周緝熙老詩人題《山雷吟草》步韵奉酬

匡廬鬱岬殷其雷，難得周郎顧曲來。
破我迷雲禪一指，心香北向拜真才。

臨江仙·春日步韵答老友鄧志瑗

樓外輕寒細雨，一簾殘夢依稀。花城彌月霧霏霏。上林春尚淺，蒲柳敢先衰。
我長故人二稔，相期杖履常綏。鸞箋喜降勝瑤璣。情關千里外，藻思五雲披。

新居漫興（四首錄二）

一

綠漲千畦墟市近，霞飛一抹海天悠。白雲堆裏人高卧，自勝元龍百尺樓。

二

宜詩宜畫宜禪定，聽雨聽風聽蕙雷。良夜小窗開四面，好教

明月入懷來。

讀《迎旭軒韵文輯存》贈老友羊春秋

旭日盈軒耀錦湘，途歧猶有未亡羊。
子高才氣誰堪敵，屈賈流風動八荒。

踏莎行·丙子中秋

金縷歌殘，玉壺敲缺，白蘆丹桂清秋節。
紅輪悄悄向西斜，晚霞明處青山疊。
荏苒華年，朦朧耄耄。乘除萬事何須說。
芳樽高舉闔家歡，笑迎爽朗團圓月。

題唐錫陽先生馬霞女士《環球綠色行》

盛賞環球綠色行，胸涵萬類氣恢弘。
賈生上疏傷時涕。霞客

尋幽愛物情。歷劫江河流有恨，逢斤草木泣無聲。是真志士憂天下，寧為身家逐利名。

偕老友孫名之周令本往謁王老士略師

五十年前宿及門，名湖苑裏拜師尊。藍田往事同回首，依舊春風一室溫。

悼念亡友石聲淮

拳拳一善許回賢，不愧師門萬選錢。振緒增華何蹈厲，出經入史費鑽研。兩番淦上迎文旆，幾度雲中寄錦箋。奉訃驚疑魂欲斷，淒其落月望晴川。

次孔凡章先生《丁丑迎春曲》韵（十二首錄七）

一曲琵琶聽未終，蕭蕭樓外雨兼風。林間燕雀翔雲表，天下英雄入彀中。故友凋零心怛咤，家園寥落夢瞳朧。寒潮過後春依舊，高樹繁花映碧空。

二

仙壇曉角勿須催，寂寞詩魂逝又回。殊易韶華流水去，最難風雨故人來。愁城酒陣終難破，聖域心防永不頽。縷縷幽香透簾幙，小園乍放一枝梅。

三

難信人間會止戈，憂思早憶髮皤皤。五風十雨鴻鳴野，一膳千金鯨飲河。閔苑尋芳椒桂少，聊齋得道鬼狐多。不辭霜雪京華

近，烏鵲紛紛覓北柯。

四

春透花城未十分，鶯嗔燕叱似曾聞。混淆玉石人多伎，變化魚龍水有紋。諤諤士添盈鬢雪，蚩蚩氓湧渡江雲。淒惶最是南來雁，露冷沙洲感失群。

五

聞道京畿欲住難，徜徉嶺嶠水雲寬。美人睽別重洋遠，香港回歸薄海歡。方謂吟壇餘淨土，忽傳幽澗湧回瀾。臨窗旭日偏憐我，料峭孱軀不耐寒。

六

拾翠瀟湘夢杳然，越王臺下柳如烟。怪它鬼域工趨射，匪我愆尤罔悔悛。對酒當歌金縷曲，遣懷聊誦柏舟篇。陽和處處催耕讀，汗漫林泉一散仙。

七

天時人事總難期，是處芳村見酒旗。恰恰嬌鶯啼有怨，翩翩彩蝶舞無儀。二三佳麗人爭奉，千古忠良主犯疑。多少長安名利客，春風走馬一贏棋。

思佳客·汨海花山擁汝歸

罹難伶俜忍辱欺，百年怕聽杜鵑啼。思親涕隕孤舟冷，夢雨魂牽故浦迷。傷往事，鑒前非。天旋地轉近佳期。郊迎不遠三千